



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Octobrem, Novembrem, Decembrem

Nepveu, François

Monachii, 1709

Dies 18. De obtentibus, qui nos à sacra Synaxi frequentanda avocant.

[urn:nbn:de:hbz:466:1-60533](https://nbn-resolving.org/urn:nbn:de:hbz:466:1-60533)

December,











DIES XVIII.

De Obtentibus, Qui Nos A
S. Synaxi frequentanda a-
vocant.

Mirum est, quod nos, qui conquire-
rationes deberemus ad S. Synaxin.
frequenter accedendi, ob commoda, quæ
ex ea capimus, rationes quæramus eidem
nos subducendi. Verum hæc dici ratio-
nes non merentur, sed inanes prætexus.
Non sum dignus, inquis. Ergone ex-
pectas, dum dignum te repures, qui ad
sacram Eucharistiam accedas? si ita est,
nunquam accedes: quis hominum, quan-
tumcunque sanctus sit, sacra hac mensa
dignum se judicet? indignum se illâ repu-
tare, omnia agere, quæ potest, ut dignum
se reddat, bona est præparatio ad sacrum hoc
Epulû sumendum. Humilitas hæc indigni-
tatem nostram supplet. Si peccato re-
nuntias per dolorem sincerum, & propo-
situm efficax, id amplius non committen-
di, Ecclesia te dignum sacra communione
judicat. Optandum esset, ut omnes ho-
mines perfecta præditi essent sanctitate, ad
di-

divina Sacramenta suscipienda; sed illam exigere idem est, ac totum fere mundum à sacra synaxi excludere, insuper habitam universali Servatoris nostri invitatione; cum tantam præparationem postulare, sit id postulare, quod sacrae communionis fructus esse debet. Cum Servator sanctissimum suum Corpus discipulis sumendum præbuit, erantne jam omnes perfectè sancti? neutiquam sanè; sed longè à perfectione remoti.

II. Sed nimis frigidus sum, ais, nimis ignavus, nimis imbecillis. Excusationem affers, te propterea ad ignem non accedere, quòd frigeas te cibo abstinere, quòd imbecillis sis, te remedijs non uti, quòd ægrotus sis. An non hoc est repugnantia loqui? si frigidus es, non algore illo mortifero, qui charitatem, sed illo, qui fervorem excludit; qua ratione commodius calefieri potes, quàm ad hanc divini amoris fornacem accedendo? si debilis es, vires repara, panem fortium comedendo. Si ægrotus es, remedium istud adversus omnia animæ mala præsentissimum, & universale sumito. Alij rationis loco, sacram Communionem non frequentandi, afferunt exiguum fructum, quem ex ea capiunt. Sed quid ve-

tat,

December. rat, quò minùs ex ea proficiant? denique quinam sunt ij, qui majores in virtute progressus faciunt? illine, qui sæpiùs, an verò, qui rariùs ad sacram mensam accedunt? Fortasse Deus progressum tuum tibi celat, ut te in Christiana humilitate contineat: progressus iste non nunquam sat magnus est, quamvis sub sensum non cadat. Si cupiditas priùs immoderata, minùs jam est violenta, si animi tui motiones minùs sunt vehementes, si tentationibus generosiùs resistis; si rariùs, minùsque graviter peccas, an non hic Communiorum tuarum effectus est? si vita illorum, qui non nisi semel in anno ad sacram Synaxin accedunt, comparetur cum eorum vita, qui quovis octiduo divino hoc pane recreantur; quantum discrimen!

III. En regulas pro S. Comuniõne observandas. 1. Comuniõ frequens per se ipsam præferenda est rariori. 2. Temeritas est, absolutè viruperare frequentem communionem, post Concilij Tridentini hac super re declarationem. 3. Comuniõ debet esse plus, minùsve frequens, habitâ ratione necessitatis, qua laboramus, & præparationis, quâcum ad eam accedimus, atque fructûs, quem inde per-

Percipimus. 4. Præparatio penitus necessaria ad S. Communionem est illa, quam Concilium Tridentinum exigit, & versatur in Confessione integrâ peccatorum lethalium; dolore sincero de ijs commissis, firmo ea non ampliùs committendi proposito. 5. Juxta quorundam opinionem exigere, ut quivis homo, qui hoc modo præparatus est, quotidie sacram Eucharistiam sumere possit, est opinio contraria rationi, sententijs Patrum, & praxi doctissimorum conscientiarum directorum. 6. Fieri non potest, ut homo sic præparatus, non magnum capiat fructum è singulorum mensium Communionem. 7. Illi, qui peccata lethalia ordinariè non committunt, etsi leviora, non è plena deliberatione, aliquoties admittant, modò consuetudinem non contraxerint, & ijs, cum ad sacram mensam accedunt, addicti non sint, quovis octiduo cœlestibus epulis refici possunt. 8. Illi, qui ea nonnisi rarò, nec cogitatò committunt, sæpiùs ad S. Synaxin admitti possunt. 9. Qui ea nunquam cogitatò admittunt, nec mundo, neque ipsis penitus addicti sunt, frequentissimè ad S. Eucharistiam accedere possunt.

December.

*Fac tibi legem has regulas observandi in tuis
Communioneibus, idque juxta prudentis dire-
ctoris ductum.*

Panem nostrum quotidianum da nobis
hodie. *Luc. 11. 3.*

Si quotidianus est, cur sumis post an-
num? accipe quotidie, quod tibi quoti-
die prodest. *Ambr.*

DIES XIX.

De Lumine Gratiæ.

I.

GRatia est Lumen, quod Deus nobis ac-
cendit, ad mentem nostram illustran-
dam, & tenebras, quas peccatum in ea
diffundit, expellendas. Cùm JESUS
Christus principium sit Gratiæ, Pater lu-
minum appellatur, vel potius Lumen
ipsum. *Ego sum Lux mundi.* Gratia est
participatio luminis istius increati, & ra-
dius quidam ex hoc justitiæ sole progre-
diens. Effectus luminis corporei mira-
biliter nobis exprimunt effectus hujus lu-
minis spiritualis. Lumen noctis tenebras
dissipat; Gratia dissipat tenebras peccati.
Quicumque in tenebris ambulat, in peri-
culo